


# LITURGIA HORARUM

IN CANTU GREGORIANO



*DOMINICA XXXIV PER ANNUM*  
DOMINI NOSTRI IESU CHRISTI  
UNIVERSORUM REGIS

*Sollemnitas*

*ANNO C*




## AD I VESPERAS



**D** E-us, ✠ in adiu-tó-ri- um me- um inténde. ꝛ Dómi-  
ne, ad adiuvándum me fes-tí-na. Gló-ri- a Patri, et Fi-li- o,  
et Spi- rí- tu- i Sancto. Sic-ut e-rat in princí-pi- o, et nunc,  
et semper, et in sǎcu-la sǎcu-ló-rum. Amen. Al- le-lu- ia.

### Hymnus



**T** E sǎcu-ló-rum princí-pem, te, Chri-ste, re-gem gén-  
ti- um, te ménti- um, te córdi- um unum fa-té-mur  
ár- bi-trum.

2. Quem prona adórant ágmina  
hymnísq̄ue laudant cælitum,  
te nos ovántes ómnium  
regem suprérum dícimus.

3. O Christe, princeps pácifer,  
mentes rebélles súbice,  
tuóque amóre dévios  
ovíle in unum cóngrega.

4. Ad hoc cruénta ab árbore  
pendes apértis brácchiis,  
diráque fossum cúspide  
cor igne flagrans éxhibes.

5. Ad hoc in aris ábderis  
vini dapísque imáagine,  
fundens salútem filiis  
transverberáto pectore.

6. Iesu, tibi sit glória,  
qui cuncta amóre témperas,  
cum Patre et almo Spíritu  
in sempitérna sæcula. Amen.

### Psalmodia

VIII g

**P** A-cí-fi-cus \* vo-cá-bi-tur, et thronus e-ius e-rit  
firmíssimus in perpé-tu-um. E u o u a e.

### PSALMUS 112

Laudabile nomen Domini

*Deposuit potentes de sede et exaltavit humiles (Lc 1, 52).*

Laudáte, púeri Dómini, \*  
laudáte nomen Dómini.

Sit nomen Dómini benedíctum \*  
ex hoc nunc et usque in sæculum.

A solis ortu usque ad occasum \*  
laudabile nomen Dómini.

Excelsus super omnes gentes Dóminus, \*  
super cælos glória eius.

Quis sicut Dóminus Deus noster, qui in altis hábitat \*  
et se inclínat, ut respíciat in cælum et in terram?

Súscitans de terra ínopem, \*  
de stércore érigens páuperem,

ut cóllocet eum cum princípibus, \*  
cum princípibus pópuli sui.

Qui habitáre facit stérilem in domo, \*  
matrem filiórum lætántem.

VIII c



**R** Egnum e- ius \* regnum sempi-térnum est, et om-  
nes re-ges sérv- ent e- i et obcé-di- ent. E u o u a e.

#### PSALMUS 116

Laus miserentis Domini

*Dico ... gentes propter misericordiam glorificare Deum (Rom 15, 8. 9).*

Laudáte Dóminum, omnes gentes, \*  
collaudáte eum, omnes pópuli.

Quóniam confirmáta est super nos misericórdia eius, \*  
et véritas Dómini manet in ætérnum.

VIII g

**C**risto datus est \* principi-pá-tus et honor re-  
gni: omnis pópu-lus, tri-bus et lin-guæ sérví-ent e- i  
in æ-térnum. E u o u a e.

CANTICUM *Ap 4, 11; 5, 9. 10. 12*

Hymnus redemptorum

Dignus es, Dómine et Deus noster, \*  
accípere glóriam et honórem et virtútem,  
quia tu creásti ómnia, \*  
et propter voluntátem tuam erant et créata sunt.

Dignus es, Dómine, accípere librum \*  
et aperíre signácula eius,  
quóniam occísus es †  
et redemísti Deo in ságuine tuo \*  
ex omni tribu et lingua et pópulo et natióne  
et fecísti eos Deo nostro regnum et sacerdótes, \*  
et regnábunt super terram.

Dignus est Agnus, qui occísus est, †  
accípere virtútem et divítias et sapiéntiam \*  
et fortitúdinem et honórem et glóriam et benedictiónem.

## Lectio brevis

*Cf. Eph 1, 20-23*

Deus suscitávit Christum a mórtuis et constituit ad dexteram suam in caléstibus supra omnem principátum et potestátem et virtútem et dominatiónem et omne nomen, quod nominátur, non solum in hoc sæculo sed et in futúro; et ómnia subiécit sub pédibus eius, et ipsum dedit caput supra ómnia ecclésiæ, quæ est corpus ipsíus, plenitúdo eius, qui ómnia in ómnibus adimplétur.

## Responsorium breve

**T** U-a est magni-fi-cénti-a et pot-énti-a, \* Tu-  
um, Dómi-ne, re-gnum. *ψ*. Tu domi-ná-ris ómni-  
um. *ψ*. Gló-ri-a Patri, et Fí-li-o, et Spi-rí-tu-i Sancto.

## Magnificat

**D** Abit il-li \* Dó-mi-nus De-us se-dem Da-vid,  
patris e-ius: et regná-bit in do-mo Iacob in æ-tér-num,  
et regni e-ius non e-rit fí-nis, al-le-lú-ia. E u o u a e.

Exsultatio animæ in Domino

Magnificat ✠ \*

ánima mea Dóminum,  
et exsultávit spíritus meus \*  
in Deo salvatóre meo,  
quia respéxit humilitátem ancillæ suæ. \*  
Ecce enim ex hoc beátam me dicent omnes generatiónes,  
quia fecit mihi magna, qui potens est, \*  
et sanctum nomen eius,  
et misericórdia eius in progénies et progénies \*  
timéntibus eum.  
Fecit poténtiam in bráchio suo, \*  
dispérsit supérbos mente cordis sui;  
depósuit poténtes de sede \*  
et exaltávit húmiles;  
esuriéntes implévit bonis \*  
et dívites dimísit inánes.  
Suscépit Israel púerum suum, \*  
recordátus misericórdiæ,  
sicut locútus est ad patres nostros, \*  
Abraham et sémini eius in sæcula.

### Preces

Fratres, Christum regem, qui est ante ómnia et in quo ómnia constant, orémus clamántes:

*Advéniat regnum tuum, Dómine.*

Christe, rex et pastor noster, cóngrega oves tuas de cunctis terris,  
— et pasce eas in páscuis tuis viréntibus et ubérrimis.



Dux noster et salvátor, ædífica omnes in pópulum tuum; sana infirmos, requíre depérditos, fortes custódi,  
— longínquos révoça, dispérsos cóngrega, diffidéntes érige.


Iudex ætérne, cum tradíderis regnum tuum Deo Patri, pone nos a dextris tuis, — et fac ut possideámus regnum parátum nobis a constitutióne mundi.

Princeps pacis, díssipa arcus belli  
— et lóquere pacem tuam géntibus.

Heres ómnium géntium, cóngrega humanitátem cum ómnibus bonis eius in regnum Ecclésiæ tuæ, quod Pater dedit tibi,  
— ut te caput in unitáte Spíritus Sancti omnes agnóscant.

Christe, primogénite ex mórtuis et primitiæ dormiéntium,  
— admítte defúntos in glóriam resurrectiόνis tuæ.


**P** A-ter noster, qui es in cæ-lis, sancti-fi-cé-tur no-  
men tu-um; advé-ni- at regnum tu-um; fi- at vo-lúntas  
tu- a, sic-ut in cæ-lo, et in terra. Panem nostrum  
co-ti-di- ánum da no-bis hó-di- e; et dimít-te no-bis dé-  
bi-ta nostra, sic-ut et nos dimít-timus de-bi-tó-ri-bus nos-




tris; et ne nos indú-cas in tenta-ti- ó-nem, sed lí-be-ra  
 nos a ma-lo.

### Oratio

Omnípotens sempitérne Deus, qui in dilécto Fílio tuo, universórum rege, ómnia instauráre voluísti, concéde propítius, ut tota creatúra, a servitúte liberáta, tuæ maiestáti desérviat ac te sine fine colláudet. Per Dóminum.



**D** ómi-nus vo-bíscum. ꝛ. Et cum spí-ri-tu tu-o.  
 Be-ne-dí-cat vos omní-po-tens De-us, Pa-ter, et Fí-li-us,  
 et Spí-ri-tus Sanctus. ꝛ. Amen.




**I** - te, in pa-ce. ꝛ. De-o grá- ti- as.

## AD LAUDES MATUTINAS



**D** E-us, ✠ in adiu-tó-ri- um me- um inténde. Ǽ Dómi-  
ne, ad adiuvándum me fes-tí-na. Gló-ri- a Patri, et Fi-li- o,  
et Spi-rí- tu- i Sancto. Sic-ut e-rat in princí-pi- o, et nunc,  
et semper, et in sǽcu-la sǽcu-ló-rum. Amen. Al- le-lu- ia.

### Hymnus



IV  
**Æ** - térna imágo Altís-si-mi, Lumen, De-us, de Lú-  
mi- ne, ti-bi, Red-émptor, gló-ri- a, ho- nor, pot-é-  
ré-gi-na.

2. Tu solus ante sæcula  
spes atque centrum témporum;  
tibi voléntes súbdimur,  
qui iure cunctis ímperas.

3. Tu flos pudícæ Vírginis,  
nostræ caput propáginis,  
lapis cadúcus vértice  
ac mole terras óccupans.

4. Diro tyránno súbdita,  
damnáta stirps mortálium  
per te refrégit víncula  
sibíque cælum víndicat.

5. Doctor, sacérdos, légifer,  
præfers notátum sángine  
in veste «Prínceps príncipum  
regúmque rex altíssimus».

6. Patri, tibi, Paráclito  
sit, Christe, perpes glória,  
qui nos redéptos sángine  
ad regna cæli pértrahis. Amen.

### Psalmodia

VII a

**E** C-ce vir, O-ri-ens \* nomen e- ius; sedé-bit et do-  
mi-ná-bi-tur, et loqué-tur pa-cem génti-bus. E u o u a e.

### PSALMUS 62, 2-9

Anima Dominum sitiens

*Ad Deum vigilat, qui opera noctis reicit.*

Deus, Deus meus es tu, \*  
ad te de luce vígilo.

Sítívit in te ánima mea, \*  
te desiderávit caro mea.

In terra desérta et árida et inaquósa, †  
sic in sancto appáruí tibi, \*  
ut vidérem virtútem tuam et glóriam tuam.

Quóniam mélior est misericórdia tua super vitas, \*  
lábia mea laudábunt te.

Sic benedícam te in vita mea \*  
et in nómine tuo levábo manus meas.


Sicut ádipe et pinguédine repleátur ánima mea, \*  
et lábiis exsultatiónis laudábit os meum.

Cum memor ero tui super stratum meum, \*  
in matutínis meditábor de te,

quia fuísti adiútor meus, \*  
et in velaménto alárum tuárum exsultábo.

Adhæsit ánima mea post te, \*  
me suscepit délixtera tua.

VII a



**M** Agni-fi-cá-bi-tur \* usque ad térmi-nos terræ,  
et e-rit iste pax. E u o u a e.

CANTICUM

*Dn 3, 57-88.56*

Omnis creatura laudet Dominum

*Laudem dicite Deo nostro, omnes servi eius (Ap 19,5).*

Benedícite, ómnia ópera Dómini, Dómino, \*  
laudáte et superexaltáte eum in sæcula.

Benedícite, cæli, Dómino, \*  
benedícite, ángeli Dómini, Dómino.

Benedícite, aquæ omnes, quæ super cælos sunt, Dómino, \*  
benedícat omnis virtus Dómino.

Benedícite, sol et luna, Dómino, \*  
benedícite, stellæ cæli, Dómino.

Benedícite, omnis imber et ros, Dómino, \*  
benedícite, omnes venti, Dómino.

Benedícite, ignis et æstus, Dómino, \*  
benedícite, frigus et æstus, Dómino.

Benedícite, rores et pruína, Dómino, \*  
benedícite, gelu et frigus, Dómino.

Benedícite, glácies et nives, Dómino, \*  
benedícite, noctes et dies, Dómino.

Benedícite, lux et ténebræ, Dómino, \*  
benedícite, fúlgura et nubes, Dómino.

Benedícat terra Dóminum, \*  
laudet et superexáltet eum in sæcula.

Benedícite, montes et colles, Dómino, \*  
benedícite, univérſa germinántia in terra, Dómino.

Benedícite, mária et flúmina, Dómino, \*  
benedícite, fontes, Dómino.

Benedícite, cete et ómnia quæ movéntur in aquis, Dómino, \*  
benedícite, omnes vólucres cæli, Dómino.

Benedícite, omnes béstiæ et pécora, Dómino, \*  
benedícite, filii hóminum, Dómino.

Benedic, Israel, Dómino, \*  
laudáte et superexaltáte eum in sæcula.

Benedícite, sacerdótes Dómini, Dómino, \*  
benedícite, servi Dómini, Dómino.

Benedícite, spíritus et ánimæ iustórum, Dómino, \*  
benedícite, sancti et húmiles corde, Dómino.


Benedícite, Ananía, Azaría, Mísaël, Dómino, \*  
laudáte et superexaltáte eum in sæcula.

Benedicámus Patrem et Fílium cum Sancto Spírиту; \*  
laudémus et superexaltémus eum in sæcula.

Benedíctus es in firmaménto cæli \*  
et laudábilis et gloriósus in sæcula.

*In fine huius cantici non dicitur* Gloria Patri.

*f*



**D** E-dit e- i Dómi-nus \* pot-está-tem et honó-rem  
et regnum; et omnes pópu-li, tri-bus et linguaꝝ ipsi  
sérv-ent. E u o u a e.

PSALMUS 149

Exsultatio sanctorum

*Filii Ecclesie, filii novi populi exsultent in rege suo: in Christo (Hesychius).*

Cantáte Dómino cánticum novum; \*  
laus eius in ecclésia sanctorum.

Lætétur Israel in eo, qui fecit eum, \*  
et filii Sion exsúltent in rege suo.

Laudent nomen eius in choro, \*  
in týmpano et cíthara psallant ei,

quia beneplácitum est Dómino in pópulo suo, \*  
et honorábit mansuétos in salúte.

Iúbilent sancti in glória, \*  
læténtur in cubílibus suis.

Exaltatiónes Dei in gútture eórum \*  
et gládii ancípites in mánibus eórum,  
ad faciéndam vindíctam in natióibus, \*  
castigatiónes in pópulis,  
ad alligándos reges eórum in compédibus \*  
et nóbiles eórum in mánicis férreis,  
ad faciéndum in eis iudícium conscríptum: \*  
glória hęc est ómnibus sanctis eius.

### Lectio brevis

*Eph 4, 15-16*

Veritátem faciéntes in caritaté crescámus in illum per ómnia, qui  
est caput Christus, ex quo totum corpus compáctum et conéxum  
per omnem iunctúram subministratiónis secúndum operatiónem  
in mensúra uniuscuiúsque partis augméntum córporis facit in  
ædificatiónem sui in caritaté.

### Responsorium breve

**S** Ancti tu- i, Dómi- ne, \* Gló- ri- am regni tu-  
i di- cant. ⁊. Et pot-énti- am tu- am loquán- tur.  
⁊. Gló-ri- a Patri, et Fí- li- o, et Spi- rí- tu- i Sancto.



## Benedictus

VIII g

**M** Eménto me- i, \* Dómi-ne De-us, dum vé-ne-

ris in regnum tu-um. E u o u a e.

### CANTICUM EVANGELIUM

*Lc 1, 68-79*

De Messia eiusque præcursore

Benedíctus ✠ Dóminus Deus Israel, \*  
quia visitávit et fecit redemptiónem plebi suæ  
et eréxit cornu salútis nobis \*  
in domo David púeri sui,  
sicut locútus est per os sanctórum, \*  
qui a sæculo sunt, prophetárum eius,  
salútem ex inimícis nostris \*  
et de manu ómnium, qui odérunt nos;  
ad faciéndam misericórdiam cum pátribus nostris \*  
et memorári testaménti sui sancti,  
iusiurándum, quod iurávit ad Abraham patrem nostrum, \*  
datúrum se nobis,  
ut sine timóre, de manu inimicórum liberáti, \*  
serviámus illi  
in sanctitáte et iustítia coram ipso \*  
ómnibus diébus nostris.  
Et tu, puer, prophéta Altíssimi vocáberis: \*  
præíbis enim ante fáciem Dómini paráre vias eius,  
ad dandam sciéntiam salútis plebi eius \*  
in remissionem peccatórum eórum,

per viscera misericordiae Dei nostri, \*  
in quibus visitabit nos oriens ex alto,  
illuminare his, qui in tenebris et in umbra mortis sedent \*  
ad dirigendos pedes nostros in viam pacis.

### Preces

Fratres, Christum regem, qui est ante omnia et in quo omnia constant, orémus clamantes:

*Advéniat regnum tuum, Dómine.*

Christe salvátor, tu qui es Dóminus Deus noster, rex et pastor noster,

—duc pópulum tuum in pásqua vitæ.

Pastor bone, qui ánimam tuam posuisti pro óvibus tuis,

—rege nos, et nihil nobis déerit.

Redemptor noster, qui constitútus es rex super omnem terram,



—fac ut omnia in te instauréntur.

Rex universórum, qui venísti in mundum, ut testimónium perhíbeas veritáti,

—agnóscant omnes primátum tuum in ómnibus.

Exémpplar et magíster noster, qui in regnum tuum nos trans-tulísti,

—tríbe ut sanctos, immaculátos et irreprehensíbiles coram te nos hódie exhibeámus.


**P**   
A-ter noster, qui es in cæ-lis, sancti-fi-cé-tur no-  
  
men tu-um ; advé-ni- at regnum tu-um ; fi- at vo-lúntas

tu-a, sic-ut in cæ-lo, et in terra. Panem nostrum  
 co-ti-di-ánum da no-bis hó-di-e; et dimít-te no-bis dé-  
 bi-ta nostra, sic-ut et nos dimít-timus de-bi-tó-ri-bus nos-  
 tris; et ne nos indú-cas in tenta-ti-ó-nem, sed lí-be-ra  
 nos a ma-lo.

### Oratio

Omnípotens sempitérne Deus, qui in dilécto Fílio tuo, universórum rege, ómnia instauráre voluísti, concéde propítius, ut tota creatúra, a servitúte liberáta, tuæ maiestáti desérviat ac te sine fine colláudet. Per Dóminum.

**D**ómi-nus vo-bíscum. ⁊ Et cum spí-ri-tu tu-o.  
 Be-ne-dí-cat vos omní-po-tens De-us, Pa-ter, et Fí-li-us,



et Spí-ri-tus Sanctus. ʀ. Amen.



**I** - te, in pa-ce. ʀ. De-o grá-ti-as.

## AD II VESPERAS



**D** E-us, ✠ in adiu-tó-ri- um me- um inténde. ⁊ Dómi-  
ne, ad adiuvándum me fes-tí-na. Gló-ri- a Patri, et Fi-li- o,  
et Spi-rí- tu- i Sancto. Sic-ut e-rat in princí-pi- o, et nunc,  
et semper, et in sácu-la sæcu-ló-rum. Amen. Al- le-lu- ia.

### Hymnus



**T**<sup>1</sup> E sæcu-ló-rum princí-pem, te, Chri-ste, re-gem gén-  
ti- um, te ménti- um, te córdi- um unum fa-té-mur  
ár- bi-trum.

2. Quem prona adórant ágmina  
hymnisque laudant cælitum,  
te nos ovántes ómnium  
regem suprémum dícimur.

3. O Christe, princeps pácifer,  
mentes rebélles súbice,  
tuóque amóre dévios  
ovíle in unum cóngrega.

4. Ad hoc cruénta ab árbore  
pendes apértis brácciiis,  
diráque fossum cúspide  
cor igne flagrans éxhibes.

5. Ad hoc in aris ábderis  
vini dapísque imáGINE,  
fundens salútem filiis  
transverberáto pÉctore.

6. Iesu, tibi sit glória,  
qui cuncta amóre tÉmperas,  
cum Patre et almo Spírítu  
in sempitérna sæcula. Amen.

### Psalmodia

VIII g

**S** Uper só-li- um Da-vid \* et super regnum e-  
ius se-dé-bit in æ-térnum, alle-lú-ia. E u o u a e.

### PSALMUS 109, 1-5. 7

Messias rex et sacerdos

*Oportet illum regnare, donec ponat omnes inimicos sub pedibus eius*

*(1 Cor 15, 25).*

Dixit Dóminus Dómino meo: \*

«Sede a dextris meis,

donec ponam inimicos tuos \*

scabéllum pedum tuórum».

Virgam poténtiæ tuæ emíttet Dóminus ex Sion: \*  
domináre in médio inimicórum tuórum.


Tecum principátus in die virtútis tuæ, †  
in splendóribus sanctis, \*  
ex útero ante lucíferum génuí te.

Iurávit Dóminus et non pænitébit eum: \*  
«Tu es sacérdos in ætérnum  
secúndum órđinem Melchisedech».

Dóminus a dextris tuis, \*  
conquassábit in die iræ suæ reges.

De torrénite in via bibet, \*  
proptérea exaltábit caput.

VIII c



**R** Egnum tu- um, \* Dó-mi-ne, regnum ómni- um  
sæcu-ló-rum. E u o u a e.

PSALMUS 144

Laus divinæ maiestatis

*Iustus es, qui es et qui eras, Sanctus (Ap 16, 5).*

Exaltábo te, Deus meus rex, †  
et benedícam nómini tuo \*  
in sæculum et in sæculum sæculi.

Per síngulos dies benedícam tibi †  
et laudábo nomen tuum \*  
in sæculum et in sæculum sæculi.

Magnus Dóminus et laudábilis nimis, \*  
et magnitúdinis eius non est investigátio.

Generátio generatióni laudábit ópera tua, \*  
et poténtiam tuam pronuntiábunt.

Magnificéntiam glóriæ maiestátis tuæ loquéntur \*  
et mirabília tua enarrábunt.

Et virtútem terribílium tuórum dicent \*  
et magnitúdinem tuam narrábunt.

Memóriam abundántiæ suavitatís tuæ eructábunt \*  
et iustítia tua exsultábunt.

Miserátor et miséricors Dóminus, \*  
longánimis et multæ misericórdiæ.

Suávis Dóminus univérsis, \*  
et miseratiónes eius super ómnia ópera eius.

CANTICUM

*Cf. Ap 19, 1-2. 5-7*

De nuptiis Agni

VI



**S**A-lus et gló-ri- a et virtus De-o nostro, R̄ Alle-lú-  
ia. ψ. Qui- a ve-ra et iusta iu-dí-ci- a e-ius, R̄ Al-le- lú-ia,  
alle-lú- ia. ψ. Laudem dí-ci-te De-o nostro, omnes servi  
e-ius, R̄ Alle-lú-ia. ψ. Et qui timé-tis e- um, pu-síl-li et ma-



gni, R. Alle-lú-ia, alle-lú-ia. V. Quó-ni- am regna-vit Dómi-  
 nus, De-us noster omní-pot-ens, R. Alle-lú-ia. V. Gaude- ámus  
 et exsultémus et demus gló-ri- am e- i, R. Al-le-lú-ia,  
 alle-lú-ia. V. Qui- a ve-né-runt núpti-æ Agni, R. Alle-lú-ia.  
 V. Et uxor e-ius præpa-rá-vit se, R. Al-le-lú-ia, alle-lú-ia.

Lectio brevis *1 Cor 15, 25-28*

Opórtet Christum regnâre, donec ponat omnes inimicos sub p dibus eius. Nov ssima autem inimica destruetur mors;  mnia enim subi cit sub p dibus eius. Cum autem dicat: «Omnia subi cta sunt», sine d bio pr ter eum, qui subi cit ei  mnia. Cum autem subi cta f erint illi  mnia, tunc ipse F lius subi ctus erit illi, qui sibi subi cit  mnia, ut sit Deus  mnia in  m nibus.

Responsorium breve

**S** Edes tu- a, De- us, \* In s cu- lum s cu- li.

ψ. Sceptrum æqui-tá-tis, sceptrum re-gni tu- i.    ψ. Gló-ri-  
 a Patri, et Fí- li- o, et Spi- rí- tu- i Sancto.

### Magnificat

VII a

**H** Abet in vestiménto \* et in fémo-re su-o scrip-  
 tum : Rex re- gum et Dómi-nus domi-nánti- um. Ip-  
 si gló-ri- a et impé-ri- um in sæcu-la sæ-cu-ló-rum.  
 E u o u a e.

*Vel ad libitum:*

I f

**A** - it la-tro ad latrónem : \* Nos qui-dem digna fac-



CANTICUM EVANGELIUM

*Lc 1, 46-55*

Exsultatio animæ in Domino

Magníficat ✠ \*

ánima mea Dóminum,  
et exsultávit spíritus meus \*  
in Deo salvatóre meo,  
quia respéxit humilitátem ancíllæ suæ. \*  
Ecce enim ex hoc beátam me dicent omnes generatiónes,  
quia fecit mihi magna, qui potens est, \*  
et sanctum nomen eius,  
et misericórdia eius in progénies et progénies \*  
timéntibus eum.  
Fecit poténtiam in bráchio suo, \*  
dispérsit supérbos mente cordis sui;  
depósuit poténtes de sede \*  
et exaltávit húmiles;  
esuriéntes implévit bonis \*  
et dívites dimísit inánes.  
Suscépit Israel púerum suum, \*  
recordátus misericórdiæ,  
sicut locútus est ad patres nostros, \*  
Abraham et sémini eius in sæcula.

## Preces

Fratres, Christum regem, qui est ante ómnia et in quo ómnia constant, orémus clamántes:

*Advéniat regnum tuum, Dómine.*

Christe, rex et pastor noster, cóngrega oves tuas de cunctis terris,  
— et pasce eas in páscuis tuis viréntibus et ubérrimis.


Dux noster et salvátor, ædífica omnes in pópulum tuum: sana infirmos, requíre depérditos, fortes custódi,  
— longínquos révoça, dispérsos cóngrega, diffidéntes érige.

Iudex ætérne, cum tradíderis regnum tuum Deo Patri, pone nos a dextris tuis — et fac ut possideámus regnum parátum nobis a constitutióne mundi.

Princeps pacis, díssipa arcus belli  
— et lóquere pacem tuam géntibus.

Heres ómnium géntium, cóngrega humanitátem cum ómnibus bonis eius in regnum Ecclésiæ tuæ, quod Pater dedit tibi,  
— ut te caput in unitáte Spíritus Sancti omnes agnóscant.

Christe, primogénite ex mórtuis et primitiæ dormiéntium,  
— admítte defúntos in glóriam resurrectiόνis tuæ.




**P** A-ter noster, qui es in cæ-lis, sancti-fi-cé-tur no-  
men tu-um; advé-ni- at regnum tu-um; fi- at vo-lúntas  
tu- a, sic-ut in cæ-lo, et in terra. Panem nostrum




co-ti-di-ánum da no-bis hó-di-e; et dimít-te no-bis dé-  
 bi-ta nostra, sic-ut et nos dimít-timus de-bi-tó-ri-bus nos-  
 tris; et ne nos indú-cas in tenta-ti-ó-nem, sed lí-be-ra  
 nos a ma-lo.

### Oratio

Omnípotens sempitérne Deus, qui in dilécto Fílio tuo, universórum rege, ómnia instauráre voluísti, concéde propítius, ut tota creatúra, a servitúte liberáta, tuæ maiestáti desérviat ac te sine fine colláudet. Per Dóminum.



**D**ómi-nus vo-bíscum. ⁊. Et cum spí-ri-tu tu-o.  
 Be-ne-dí-cat vos omní-po-tens De-us, Pa-ter, et Fí-li-us,  
 et Spí-ri-tus Sanctus. ⁊. Amen.



**I** - te, in pa-ce. ꝛ De-o grá-ti-as.